

«Баланд» масжидининг тарихий биноси сақлаб қолинади – у янгиланиб, сиғими 2 минг кишига оширилади



17:58 / 20.11.2023 755

Пойтахт марказида жойлашган масжиднинг қадимий қисми ўрта асрларда бунёд этилган. Кейинчалик унга туташ қилиб қурилган бино ва иншоотлар эскириб, хавфли ҳолатга келиб қолгани учун тегишли идораларнинг рухсати билан қайта таъмирланадиган бўлган. Бузилгунга қадар 800 кишилик сиғимга эга бўлган мажмуанинг янги лойиҳаси 2 минг кишилик сиғимни кўзда тутади.

Тошкент шаҳри Шайхонтоҳур туманидаги «Баланд» жомеъ масжиди худудида қурилиш ишлари олиб борилаётгани туфайли иншоот хавф остида қолгани ҳақида хабарлар тарқалди.

Масжидда сақланаётган ҳужжатларга кўра, ўтмишда Қўшмозор деб аталган бу худуддаги баландликда масжид қурилади ва у «Баланд» масжид номини олади. Масжиднинг шимол тарафида кичикроқ мадраса ҳам бўлиб, у 1995-1996 йилларда кўп қаватли турар жойлар қурилиши муносабати билан бузилиб кетган.

Тадқиқотчилар 1954 йилда масжид шифтидаги ёзув асосида унинг ўрта асрларда қурилганини ҳам аниqlаган. Маълум бўлишича, ҳозиргacha сақланиб қолган ушбу бино 1857 йилда маданий мерос объекти сифатида

рўйхатга олинган.

Қоратош маҳалласидаги янги масжид биноси бузилиши оқибатида унинг ичидаги бўлган «Баланд» масжидига ҳам шикаст етиши мумкинлиги тўғрисида хабарлар юзасидан масжид имом-хатиби ўз фикрларини билдириди: «Илгари масжид сиғими 800 кишига мўлжалланган.

«Баланд дейилишига сабаб, бу ер шаҳарнинг баланд нуқтаси бўлгани сабабли масжид халқимиз орасида ушбу ном билан танилиб қолган. Бу масжид ичи бир айвон, бир хонақоҳдан иборат. Бир-икки марта таъмир қилинган, ҳозирги кунда ичлари яхши сақланган. Хавфли ҳолатида бўлгани сабабли, 2021 йилда Ўзбекистон мусулмонлари идораси, Дин ишлари бўйича қўмитанинг таклифига биноан бу масжидга реконструкция қилиш бўйича рухсатнома чиқсан.

Маданий мерос обьекти агентлиги билан келишилган ҳолатда масжиднинг асосий қисмини сақлаб қолиб, ёнига замонавий типда халқимиз учун, миллатимиз учун яхши масжид қуриш режалаштирилган. Ҳозир шунинг тараддуудида турибмиз. Ишлар ҳам жадал равишда олиб борилмоқда. Янги биноли масжид 2000 дан зиёд мусулмонлар учун хизмат қиласди», — дейди «Баланд» жомеъ масжида имом-хатиби Аъзамжон Эргашов.

Тошкент шаҳар ҳокимлиги ҳам муҳокамаларга сабаб бўлган қурилиш ҳолати юзасидан маълумот берди.

Унга кўра, Қоратош маҳалласида жойлашган «Баланд» масжидининг тарихий биноси янги қуриладиган масжид билан ўраб олинади.

Маълум қилинишича, масжиднинг биноси ўзгармай қолади ва намоз вақтида кўпроқ инсонларни сиғдириш учун янги хона ва иншоотлар билан бойитилади. Шу тариқа, тарихий бино «консервация» қилинади, лекин шу билан бирга, ўзининг бирламчи вазифасини сақлаб қолади ва намоз ўқиш жойи сифатида хизмат қилишни давом эттиради. Унда таҳоратхона, ходимлар учун ошхона ва бошқа замонавий шароитлар яратилади.

Ҳокимлик бундай ёндашув тарих ва замонавийлик уйғунлигини сақлашда оптималь ёндашув экани, келгусида уни тарихий аҳамиятга эга бошқа диний обьектларда ҳам қўллаш режалаштирилганини қўшимча қилган.